

吳興金石記

吳興金石記卷三

歸安陸心源伯剛甫纂

唐

太宗御製聖教序

石佚

〔吳興志〕僧智永集王羲之書在墨妙亭

大唐故汝南公主墓誌銘并序

公主諱字隴西狄道人

皇帝之第三女也天潢疏潤圓折浮夜光之采若木
分暉禮華口朝陽之色故能聰穎外發閑明內暎訓
範生知尚觀箴於女史言容成則猶習禮於公宮至

如怡色就養佩帔晨省敬愛兼極左右無方加以學
殫綈素藝兼鞶紱令問芳猷儀形闔閭□年□月有
詔封汝南郡公主錫重珪瑞禮崇湯沐軍服徽章事
優前典屬九地絕維四星潛曜毀瘠載形哀號過禮
繭纒不罷塌酪無噬灰琯亟移陵塋浸遠雖容服外
變而沉憂內結不勝孺慕之哀遂成傷生之性天道
祐仁奚其冥漠以今貞觀十年十一月丁亥朔十六
日

〔李東陽跋〕右虞秘監所書汝南公主墓誌草稿宣
和書譜實載其名今太宰水村陸公嘗見于吳中

購之不得越三十餘年未始不往來於懷比屬其
弟長卿購至京師問以相視觀其筆勢圓活戈法
尙存前輩風流宛然在目惜其有敘無銘尙可徵
爲貞觀間物也世所傳虞書石刻雖結構齊整而
生意索然然則墨迹之未泯者 可不知所寶哉

陸氏子孫其世守之正德十一年二月十二日長
沙李東陽跋

〔陸心源跋〕虞永興汝南公主墓誌草唐白麻紙本
有李西涯王弇州文休承諸跋休承弇州皆泥于
書史旁注小字一語既疑爲王摹又疑爲米臨子

謂皆非也書史云汝南公主銘起草洛陽王護處見摹本後十年見真迹在故相張公孫直清處其後止貞觀十年十一月丁亥朔十六日旁注小字云赫赫高門在裴丞相家是其銘然此文纔至半而止行下有空白紙猶空十一字此蓋卒日猶未言葬闕文尙多安得更言赫赫高門不當後幅卻與前幅不相連屬也其前標紅綾色如新有幾立題其標云心源案據書史所述銘與誌本分爲二唐時誌文在幾立處銘則在裴丞相家云旁注者當注于誌旁標綾之上與前題標綾一律非注于

誌草內也或卽幾玄所注亦未可知歷年旣久勢不能完前標旣失後注之小字安能獨存二公之疑亦考之不審矣雲煙過眼錄稱郭天錫所藏汝南誌草後有米老跋皆眞迹今紙尾有天錫及金城郭氏兩印其卽郭氏所藏草窗所見無疑浙中勒石與米老同時事見書史宜乎旁注未失郭氏所藏旣有米跋當亦完善陸太宰所見始同今本然則旁注與米跋之失當在元明喪亂之際乎貞觀迄今千二百年不免紙敝墨渝然神采未失視戲鴻經訓諸帖所刻有僊凡之別戲鴻石本以十

一月爲十一日而脫丁亥朔十六日六字尤爲荒
謬若非真迹僅存幾成千古疑竇爰屬胡茂才劑
粼鈞勒上石缺者仍之思失真也光緒三年仲冬
之月卻翁陸心源題

孝義寺碑銘

石佚文見藝文類聚

復齋碑錄陳人徐陵撰十世孫徐嶠之正書開元

二十二年正月十五日立在烏程

實刻叢編

吳興志在墨妙亭散騎常侍御史中丞領大著作
徐陵撰唐銀青光祿大夫使持節湖州諸軍事湖
州刺史上柱國十代孫嶠之書

按談鑰志載孝義寺碑云高下蒼蒼遙聞天語清
書瀾瀾深窮地根又云八絕之技依然又云弱棗
紺桃今藝文類聚引缺

孝義寺碑陰記

石佚

〔金石錄〕右唐孝義寺碑陰記初陳徐陵爲孝義寺
碑至開元二十三年徐嶠之爲湖州刺史再書而
刻之因記其事於碑陰嶠之自云陵之十世孫按
陳書陵以後主至德元年卒距開元二十三年才
百五十餘年不應已有十世孫又據嶠之父高行
先生碑云曾祖儼梁岳陽王參軍則是儼與陵同

時而在其前不應爲陵五世孫以此碑陰所書可疑然而筆法精妙非嶠之不能爲

興善寺碑 石佚

〔吳興志〕興善寺碑舊二板六字字皆徑三尺體勢壯逸相傳燕公張說書寺在德清新市鎮今號覺海故令陳之方愛此字龕於乾元寺壁間元祐三年取置墨妙亭今不存只有臨本小字石刻

蕭勝墓誌 石存

大唐蜀王故西閣祭酒蕭公墓誌

公諱勝字玄寂東海蘭陵人梁中宗宣皇帝之孫太

尉安平王周柱國巖之第十三子也豐□雕雲騰三
傑於星漢金陵王氣軼五馬於天枝爰□綺年已膺
茅社封爲宜陽侯俄而青蓋云歸咸陽□布衣之歎
家聲□隕高□□□□□□□□投散騎□皇朝爲上
輕車都尉蜀王西□□□□□□□□□□□□□□□□
綜書府文藹詞林鏘銖珪□脫落□□□□物我於臨
濠照空有於虛室龍宮之旨無以□□□□□□□□
自足苻其想信圻岸之金碧爲羽毛之麟鳳然而□
鳥忽驚悲鼠藤之何促曠駒俄謝怨鶴林之已空春
秋七十有四永徽二年八月十五日遘疾薨於萬年

縣之崇義里卽以其年歲次辛亥八月壬戌朔廿日
日甲申窆於萬年縣甯安鄉鳳栖之原嗚呼哀哉此
可移今日難繫海成田兮川而逝因寶字於窮泉振
芳聲於來裔其詞曰

楚國琴響秦時故侯寂寥下位栖遲一丘情涵水月
心汎虛舟持蓮淤盡援桂芳留人事超忽生涯浮脆
盜露銷津翻霜實蒂夕陰先下泉扃早閉長夜不追
悠然來際

列史褚遂良書

右墓誌高一尺一寸二分闊一尺一寸四分二十
行行二十字正書案巖字義遠梁蕭管第五子也

周書附訾傳稱其歷侍中荊州刺史尚書令太尉
太傅隋文帝軍至荊州巖奔陳授平東將軍東揚
州刺史陳亡爲宇文述所破伏法于長安不言爲
周安平王柱國可補周書之缺勝史無傳其封宜
陽侯當爲蕭歸所封散騎則隋所授入唐而後爲
輕車都尉耳石藏歸安署蘇州府吳雲家

湖州刺史題名記

石佚

吳興志唐廣德元年補關內供奉李紆撰在州治
烏程令韋承慶德政碑

石佚

復齋碑錄唐沈務本撰沈仲昌正書至德二年二

月立

寶刻
叢編

〔吳興志〕在烏程縣治唐至德二年沈務本撰沈仲昌書文多漫滅宋嘉祐中知州事楊紘摹題額九字刻石在墨妙亭

佛頂尊勝經石幢二

石佚

〔吳興志〕斷碑二在墨妙亭一乾元元年鄔彤書一咸通五年于僧翰書

〔寶刻叢編〕金剛尊勝經石幢唐朝議郎行河南府河陰縣主簿上柱國沈洽建太原鄔彤書乾元元年八月三十日立

諸道石刻錄唐尊勝經石幢于僧翰小字八分書

咸通五年立

寶刻叢編

宣州博士沈府君墓誌

石佚

吳興志在墨妙亭諱縉字章甫乾元二年京兆韋

卓撰并書

封文宣王詔

石佚文見唐詔令

吳興志唐開元皇帝封文宣王詔大曆四年別駕

孫沛立王右軍十六代孫榮書在州學

天雷寺建功德碑

石佚

吳興志在報恩光孝寺試大理評事兼武康縣令

韓章撰前衢州龍游縣尉徐浩書唐大曆六年建

案又見輿

地紀勝

〔復齋碑錄〕湖州刺史蕭公創建佛堂造三世佛及

諸功德銘武康令韓章撰前衢州龍游縣尉徐浩

書邱悌篆額大曆六年立

寶刻叢編

晉吳興太守謝公碑

石佚

〔復齋碑錄〕唐裴清撰僧道詵書大曆七年十月十

一日龍興寺沙門皎然建

寶刻叢編

〔吳興志〕在墨妙亭唐刺史兼侍御史裴清撰僧道

詵書大曆七年歲在壬子建於龍興寺卽今之報

恩光孝寺

吳興太守歷官記石佚

金石錄目第一千九百六十九歷官記正書無姓名第一千四百七十四謝公碑陰記行書無書撰人姓名大歷七年十一月

吳興志在墨妙亭晉太守謝公碣之陰唐人所勒自晉王逸少洎陳任忠凡四十四人

又云大歷中刺史裴清始撰歷官記勒于謝傅碑陰

謝太傅碑陰記 石佚文見魯公集

〔吳興志〕舊在謝公鄉至唐天寶盜起碑刻不存大
〔歷〕中刺史顏真卿取舊史遺文刊石而書其陰今
碑在墨妙亭

案又見奠地紀勝

案蘇軾墨妙亭記有謝公碑而無謝傅塘碑據吳
興志及輿地紀勝確是兩碑一爲謝公碑刺史裴
清撰文僧道誥書大〔歷〕七年建裴清所撰吳興太
守歷官記卽刻於碑陰一爲謝太傅塘碑天寶盜
起被毀不存顏魯公取舊史遺文刻石而書其陰
文見顏魯公文集而宋雷西吳里語徐獻忠吳興
掌故集誤合爲一案裴清謝公碑以大〔歷〕七年立

謝公塘碑則毀于天寶中天寶在大曆前二十年
豈有立碑在後而毀失在前者耶不考甚矣

干祿字書碑 石佚

吳興志干祿字書唐朝議大夫滌沂濠三州刺史
上柱國贈祕書監顏元孫撰第十三姪男金紫光
祿大夫行湖州刺史上柱國魯郡開國公顏真卿
後跋云真卿於湖州刺史宅東廳院書之一在墨
妙亭一在魯公祠開成四年刺史楊漢公重摹

顏魯公法華山題字 石存

流觴嶼

真卿臨右軍書

右磨崖高二尺廣二尺三寸正書字徑五寸署款
兩行在右方下字徑二寸餘在烏程縣北法華山
白雀寺後法華寺建于梁普通二年後有偃松流
杯亭九曲池望湖亭顏魯公于大曆七年遷湖州
刺史均見談鑰吳興志魯公在郡累年刻石甚多
項王廟碑陰述立于大曆七年四月干祿字書書
于大曆九年正月射堂記立于大曆十二年四月
放生池碑立于大曆九年正月皆見集古錄目是
魯公之刺湖州史雖不著其年當在十二年以前

七年以後此題字雖不署年月亦必刺湖州時書也今諸刻皆不可見惟此以摩崖僅存兩浙金石志及郡縣志皆未收

勅天下放生池碑

石佚

〔吳興志〕在魯公祠唐肅宗御書題額銀青光祿大夫使持節昇州諸州軍事昇州刺史充浙西節度使兼江甯軍使上柱國丹陽縣開國侯臣顏真卿撰并書以大厯八年於州駱駝橋東建

輿地紀勝舊在文宣王廟今在魯公祠

沈氏述祖德碑陰記

石佚文見魯公集

吳興志梁沈氏述祖德碑後碑爲十六段在縣獄中魯公大書其陰元祐中太守林希刻石記其事云以顏集補其闕凡百有十四字不可補者十字舊碑今不知所在林公石刻在墨妙亭

復齋碑錄沈氏述祖德碑并碑陰記碑下一半缺不見書撰人名氏大曆八年十二月立

寶刻叢編

大慈寺鐘記

石佚文見吳興志

吳興志在德清大慈寺唐縣令韓章撰大曆五年僧神晤爲寺緣化鑄鐘忽聞空中鐘聲徹數十里遠近驚聞後事達於朝命輦至關中至敢山溪舟

沒沈水取不復得

乞御書題額恩勅批答

石佚文見魯公集

金石錄目唐乞題放生池額表肅宗批答附

碑陰記

石佚文見魯公集

吳興志唐金紫光祿大夫行湖州刺史上柱國魯郡開國公顏真卿撰并書又載團練副使別駕盧暈元自勵徐自然劉抗長史鄭滔王叔卿徐曷司馬張彥弼黃持志姚執珪錄事參軍路惟衡曹友諶康造攝司功李瑗司兵劉中參軍鄭真司倉杜無惑司法談佚王湜姚觀司戶武叔韋準張庭琇

王應司元沛王鈺司士郭晰李羣劉德敏同團練
副使前殿中侍御史李萼烏程令李晤丞李佶徐
彥雲李抱虛主簿李翼尉顧察薛希鑄呂遙楊使
長城令朱自勉丞徐明權施惠整顏愔主簿張遐
慶尉杜勉陳崇之賈嶸楊煥趙琪安吉令楊宥曹
友謚攝丞楊齊光康造主簿盧勝尉杜軫程希俊
馬伯珍盧弼李湮包審武康令李汗張士若丞時
尚素鄭若水主簿孫祕葉迅尉陳演長孫瑀杜重
英呂液德清令范鋸丞陸造錢箕尉孫演李光之
桂英林續圖經云當大厯中湖州別駕四員諸曹

掾大率三員諸縣令丞尉各四員比唐制所載吏員相去懸甚故著此以俟博學之士稽考焉

水堂送諸文士戲贈潘丞聯句詩刻

石佚據舊拓本載

居人未可散上客須留著莫唱阿鞞迴應云夜半樂

真卿奉潘丞

詩教刻燭賦酒任連盤酌從他白眼看終戀

青山郭

述奉陸三

林棲非姓許寺住那名約會異永和年

才同建安作

羽呈權十四

何煩問更漏但遣催絃索共說

長句能皆言早歸惡

器別然公

那知殊出處還得同笑謔

雅韻雖蹙權禪心肯拋卻

皎然上侍御

一宿同高會幾人

歸下若簾開北陸風燭焯南枝鵲

寧奉潘十五

文場苦叨

竊釣渚甘漂泊弱質幸見容非才誠重諾述顏真卿書

〔下山志〕蠶頭鼠尾碑顏魯公書在明月峽峽中唐宋名人石刻最多惟此碑尤大州縣數來摹搨土人憚費擊碎之

射堂記 石佚

〔集古錄目〕唐顏真卿撰并書碑石缺訛文理斷續其事迹不可考大曆十二年四月立

〔集古錄〕右射堂記唐顏真卿書魯公在湖州所書刻于石者余家集錄多得之惟放生池碑字畫完

好如干祿字書之類今已殘闕每爲之歎惜若射堂記者最後得之今僕射相公筆法精妙爲子稱顏氏書射堂記最佳遂以此本遺子家素所藏諸書較之惟張敬因碑與此記爲尤精勁惜其皆殘缺也

輿地紀勝忠烈廟在駱駝橋東卽唐顏魯公眞鄉也嘉祐中知州事張田又移公所書干祿字碑放生池碑項王碑射堂碑列於西廡

吳興志射堂記在墨妙亭撰人姓名殘缺世傳顏魯公正書大曆十二年四月也

項王廟碑陰述

石佚

〔吳興志〕在墨妙亭顏魯公書自湖州刺史字下六字缺

〔輿地紀勝〕集古錄云顏氏殘碑唐顏真卿書并項王碑陰記附殘缺不全而事蹟可見碑陰真卿重建項羽廟碑以大曆七年刻

又云項王廟在烏程縣西北四里東漢志引吳興記云烏程縣西北某山有項籍廟唐顏真卿於碑陰述王與叔父梁避仇吳中蓋今湖州也

石柱記

石佚文見顏魯公集

輿地紀勝舊在烏程縣西南三十里之杼山今在
墨妙亭又斷碑二亦在皆顏真卿書

吳興志凡境內山川陵墓古蹟皆入記刊之石柱
故名又名吳興地記

杼山妙喜寺碑銘

石佚文見顏魯公集

案魯公集宋次道以魯公文刊於石者編

烏程縣新陞望記

石佚

復齋碑錄縣尉陳萇撰顏次公分書唐大曆十三

年八月二十三日記湖州烏程

寶刻叢編

顧渚山袁高題名

石存

大唐州

刺史臣

袁高奉

詔修茶

貢訖至

邑山最

高堂賦

茶山詩

興元甲

子歲三

春十日

兩浙金石志右題名八分書十一行行三字在長興縣顧渚山

右拓本高一尺二寸廣四尺六寸字徑三寸許山上一字兩浙金石志缺細審似是邑字袁高唐書有傳按吳興志袁高正元二年自韶州長史授遷給事中下引統記云袁高建中二年于頔正元八年自駕部郎中授下云統記作五年今按高茶山題名興元甲子歲頔序刻高詩爲貞元七年均與統記合而鑰志郡守題名當有舛誤矣

顏魯公去思碑

石佚

令狐峒顏魯公神道碑魯公轉湖州刺史政尚清
靜長孤養耆微備浚隍式廉明進吏事特責大指
而已郡人悅之立碑頌德

殷亮顏魯公行狀檢校國子祭酒楊瑱自御史中
丞京畿採訪使轉湖州刺史以舊府之恩乘州人
之請紀魯公遺事刊石立去思碑於州門之外卽
今都官郎中陸長源之詞也

袁高茶山詩

石佚又見唐文粹

集古錄目茶山詩唐湖州刺史袁高撰前滁州長

史徐璿書湖州顧渚山歲修茶貢高爲刺史感其採製之勤而作是詩其後于頔爲刺史得之於壞垣爲序而刻之貞元七年立

湖銖按袁高建中二年刺湖州見新唐書劉昫書高傳不載而於德宗紀書興元元年八月己卯前湖州刺史袁高爲給事中著一前字似不於湖州召爲給事矣談鑰吳興志歷敘刺史名佚德宗建中元年第五琦任三年王密任五年王沔任貞元二年至四年袁高任舊唐書紀傳皆誤也趙氏亦不及明辨之

顧渚山于頔題名 石存

使持節湖州

諸軍事刺史

臣于頔遵奉

詔命詣顧渚

茶院修貢畢

登西顧山最

高堂汲巖泉

試茶蒞道客

觀前刺史給

事 中 袁 公 留

題 刻 茶 山

詩 于 石

大 唐 貞 元 八

年 歲 在 壬 申

春 三 月 口 口

兩浙金石志 右于頔題名在長興縣顧渚山正書
十六行行五字按長興縣志有境會亭一名芳巖
唐時吳興毘陵二郡守分山造茶宴會于此洪筠
軒云趙明誠金石錄有唐袁高茶山詩并于頔撰

詩述李吉甫撰碑陰記其二卷湖州歲貢茶高爲
刺史作此詩以諷高恕已孫碑陰述高所歷官甚
詳今袁高詩并碑陰俱亡惟于頔此記存頔字允
元河南人

按拓本高一尺一寸廣三尺字徑二寸兩浙金石
志試茶二字道客二字皆缺莽字誤釋作茶今審
定如右

袁高茶山詩述 石佚

吳興志唐朝議大夫使持節湖州諸軍事守湖州
刺史護軍賜紫金魚袋于頔撰 朝議郎前滁州

長史上柱國徐璿書

吳興志袁高茶山詩述在墨妙亭述刺史袁高所作茶山詩也

吳興志碑陰朝議大夫明州長史員外置同正員李吉甫撰貞元十年建徐璿書

白蘋亭記 石佚文見唐文粹

諸道石刻錄白蘋亭記唐李直方撰史鎬八分書并篆額已卯歲作卽貞元十五年也 寶刻叢編

吳興志白蘋亭記在墨妙亭唐殿中侍御史內供奉李直方撰前太僕寺主簿史鎬書并篆額後跋

元和元年夏節度判官侍御史王澹獲覽此作
湖州刺史廳壁記 石佚文見文苑英華唐文粹

吳興志貞元十六年顧況撰又後題正元十七年
刺史李詞在州治

碧玉潭題名 石存

口月六日改此名

貞元十六年

玉石響

貞元十年二月五日題

縣令楊口尉包舉

天水趙匡時河南于峯

處士宏農楊系富春孫革

前右衛冑曹吳興沈必復

監察御史河東薛公允

湖州刺史京兆于頔

右于頔等題名在武康縣治西南八里龍泓石巖
上文七行字數不等徑一寸六七分左行又大字
三行行三字五字七字徑六七寸左行正書案于
頔字允元河南人唐書有傳貞元八年以駕部郎
中出爲湖州刺史以陂湖廢淤行縣故至其地地

初名響潭山墟名云清虛洞澈每有聲響必隨應故以爲名後改名玉石響餘英志云響應山下有龍湫水色正碧舊傳山有二玉應人如谷之答響故名玉石響據石刻則是貞元十六年所改今名碧玉潭不知所自而談鑰吳興志則竟屬之于顛殆未見石刻耶談志又云碧玉潭有唐人詩刻但据所載詩是毛滂所作見東堂集而以爲唐人亦未審考兩浙金石志未收

湖州佛川寺故大師塔銘并序 石佚文見皎然集

吳興志沙門清晝魚陂明禪師塔銘在長興縣空

隱院

貢茶刺史題名碑

石佚

〔輿地紀勝〕貢茶院貞元十七年刺史李詞置以吉祥寺東廊爲院修貢堂在院內有唐貢茶刺史題名二十八人刻石堂上

鹽官尉邱景朝墓誌

石佚

〔諸道石刻錄〕唐貞元十九年立湖州

寶刻叢編

勅書褒戰功記

石佚

〔諸道石刻錄〕勅書褒戰功記篆額行書

寶刻叢編

〔吳興志〕唐憲宗賜刺史辛祕及慰問將士詔書也

在州治甲仗庫前

刺史李師悅碑

石佚

諸道石刻錄

湖州

寶刻叢編

湖州紀功記并將士題名

石佚

吳興志在甲仗庫唐元和中將仕郎前太常寺奉

禮郎時元佐撰蓋紀刺史辛祕平賊臣李筠之黨

封崇孔宣父故事碑

石佚

諸道石刻錄唐辛祕撰元和四年二月

寶刻叢編

吳興志在州學元和四年刺史辛祕撰

無爲寺記

石佚

吳興志咸通三年鄉貢進士張蟾記在歸安

永興寺碑 石佚

吳興志鄉貢進士吳行周記顏真卿篆額元和五年在歸安射村

永興寺僧伽和尚碑 石佚

吳興志在歸安鹿苑寺元和九年十月二日立前左武衛兵曹參軍裴述撰費濤書胡季良篆額

沙門靈皎城山寺碑 石佚

吳興志在長興慈氏院元和中撰

邱氏大宗墓碑 石佚

諸道石刻錄唐元和四年十月二十二日建

寶刻叢編

吳興志左散騎常侍邱爲撰在烏程縣西雪水鄉

淋谷元和四年立見舊編

烏程縣新水亭記

石佚

諸道石刻錄元和四年

寶刻叢編

卞山普廣寺養山記

石佚

復齋碑錄唐吳國忬撰吳士良行書吳仁傑篆額

元和十四年三月二十日建

寶刻叢編

大明寺賢聖真道記

石佚

復齋碑錄沙門鴻本書僧良建篆額大和元年十

月立湖州

寶刻
叢編

聚府君墓誌銘

石存

唐故聚府君墓誌銘

并序

諸葛昇撰

府君諱慶字文悅馮翊人也大和六年青龍在壬子
九月十七日歿蘇州嘉興縣進思鄉私舍春秋五十
祖口曾祖瑄父達家牒具述不書也公卽達長子也
志操孤峙孝友無先雖不夢奠之徵忽生鞋履之別
娶陸氏有子二人長葑次允孚女一人偕血泣柩左
狀疫問於筮兆當年十月廿六日封當縣南甘露鄉
崇福里祖墳禮也恐煙峯及巨溟變改請文勒石詞

日

悲鴻驚月啼霜天

寒雲長夜斗牛懸

嗣子哀號望不還

令問遺風光萬年

佳城虎踞龍左盤

刊文勒銘金石堅

右聚府君墓誌磚得之吳門市長一尺闊一尺厚
一寸凡十二行行十七字至十九字不等共一百
九十七字泐者一字詩聚子內史古今人表作振
子慶蓋其苗裔也元和姓纂晉有聚儔今江南襄
陽並有此姓想蘇州聚氏唐世必盛故姓纂云爾
嘉興縣本漢由拳縣地屬會稽郡後屬吳郡吳苗

龍初改名禾興赤烏中始名嘉興隋省入吳縣唐武德初復置屬蘇州故曰蘇州嘉興縣也大和唐文宗第一紀元與魏明晉海西後魏孝文之太和不同磚文大不訛太與大和三年李晟碑嵩高靈勝詩刻處州孔子廟碑大和四年東郡懷古詩刻吳達墓誌湘中紀行詩刻大和六年甄叔大師塔大和七年阿育王寺常住田碑寂照和尚碑大和八年林放祠碑大和九年落星石記修龍宮碑合足正俗刻唐書通鑑之訛此磚爲嘉興張叔未孝廉舊藏見清儀閣題跋亂後余得于吳中

德本寺碑

胡季良纂

學晉石佚文見古刻叢鈔
旁注學晉疑爲胡季良之字

吳興志德本寺碑在文宣王廟碑陰胡季良撰大

和八年三月十九日建

吳文皇帝廟碑

石佚

復齋碑錄唐胡季良撰凌渭書唐大和八年立

寶刻

叢編

吳興志在州治廟中

智者大師靈塔題

石佚

復齋碑錄

大和九年四月二十八日湖州

寶刻叢編

安公令嬪吳夫人墓銘

石佚文見古刻叢鈔

復齋碑錄吳夫人墓誌唐處士胡季良述并書大

和九年五月

寶刻叢編

輿地紀勝吳氏墓銘在墨妙亭大和九年胡季良

書

湖錄季良不知何許人元和二年紀刺史辛祕平賊功及將士題名季良分書永興寺僧伽和尚碑季良篆額德木寺碑記吳大帝廟碑皆季良所篆天甯寺尊勝經幢一座亦季良書今尙存則季良爲郡人無疑也

吳興金石記卷四

歸安陸心源伯剛甫纂

唐

白蘋洲五亭記

石佚文見白氏長慶集

〔吳興志〕在墨妙亭唐太子少傅分司東都馮翊縣
開國侯賜紫金魚袋白居易撰知州事馬續書開

成四年十月建

楊漢公詩

石佚詩見吳興志

〔吳興志〕在墨妙亭天聖四年王秩刻

杜牧詩二首

石佚詩見樊川集

〔吳興志〕在墨妙亭天聖四年王秩刻

祈射神廟記 石佚文見吳興志

〔吳興志〕會昌二年張文規述在長興

于公塘碑 石佚

〔吳興志〕唐刺史于頔修呼于公塘後李詞立于公塘碑在州治

鹿苑寺斷經幢 石存

佛頂尊勝陀羅尼經 經文不錄

右斷經幢在射村鹿苑寺廢址高三尺五寸周廣五尺五寸八面每面九行行存四十餘字年月磨

城末有都料某撰文并刻字等字惜名氏已泐宋
周弼題鹿苑寺詩云幸留唐刻在相伴峻廊題此
亦爲唐刻之一種

天蒲寺經幢

石存

佛頂尊勝陀羅尼經

經序經文不錄

奉爲國王帝主州縣案寮法界有情

唐會昌元年十一月廿八日建幢主姚仲文姚儀等
同造 處士胡季良書

汝南周湍鐫繪畫人魚簡 尼惟聳尼惟肅寺主尼

惟照上座尼清演都維那尼法聰

捨錢一千文人 仰寶 吳臯 沈肱 施恭 朱

七娘 姚惟寵 仰七娘 姚二娘 姚惟謀 俞

口娘 費廿三娘 李湍

捨錢五百文人 費進 姚元諫 章十四娘 沈

四娘 許六娘 錢懷 陳五娘 吳十娘

捨錢三百文人 沈令躬 沈忠 沈有鄰 李澱

嚴九娘 李僧 張八娘 沈士元 鈕媛 唐

花口 費君集 費行舉 以上三段在第八面中列

幢下截

捨錢十千文人 姚仲文 姚口 捨錢三千文

邱惟則 邱執口 捨錢一千三百文 杜十五娘

徐十七娘

八百五十

徐公儒

五百

沈徹

五百

徐士峯

五百

徐十二娘

二百五十

徐廿三娘

一百

沈八娘

一百

沈三娘

一百

陸菩提藏

一百

樂威德李法藏

吳金

剛智 宋二娘 吳十四娘 魯二娘 朱五娘
以上在第一面

姚五娘 丁成 劉如意藏 沈簡 沈蓮花藏

姚權 胡妙智 吳瑛 沈十四娘 沈十六娘

薛福德藏 金滿相 姚十六娘 鄭十二娘 沈

十二娘 楊淨藏 仰釗
以上在第二面

尼明宛 尼惟保 沈十二娘 朱九娘 莫廿娘

沈八娘 沈三娘 施五娘 以上在第三面

亡仰章 亡施八娘 亡沈六娘 以上在第四面

捨錢二千文亡故人姚惟愛 捨錢一千文人姚羅

拾 俞三娘 姚十一娘 邱六娘 潘四娘 捨

錢二百文人仰馬 沈五娘 仰超 姚團娘 倪

宛子 沈九娘 吳十二娘 徐卅三娘 丁廿二

娘 俞二娘 仰徹 沈項五千 姚八娘三千 以上

七面 在第

捨錢二百文人仰十一娘 吳廿一娘 石儀 姚

九娘 章十一娘 仰君儒 仰文慶 仰文忻

姚小姑 諸葛榮 吳倫 仰一娘 沈韶 陳善

會 姚荀子 一百文人名尼啟明 尼惟濟 尼

曉明 尼志微 尼雲暉 尼靈瑞 尼明測

八面

以上
在第八

〔湖錄〕予曩在蘇慧慶僧房與竹垞先生論金石文字先生言唐人善書者好書佛幢古刹中在在有之子因思吾郡天甯寺有石幢幾座必有名蹟歸而搨之皆佛頂尊勝陀羅尼經聞之老僧云寺故有二十四座今僅存八座又斷石四段嘗考唐書

會昌五年詔大除佛寺凡堂閣室宇關於佛祠者
培滅無遺分遣御史發視之州縣祇畏至於碑幢
銘鏤贊述之類亦皆毀壞不及三年盡皆重樹佛
教之難滅往往如是鄔彤所書者在會昌之前于
僧翰所書者在大中之後莘老雖寶護之今並湮
滅不存而寺中諸幢完好如故誠哉吾郡之墨妙
也

兩浙金石志右幢在天甯寺山門後牆東首高四
尺二寸八面周廣四尺八寸額題佛頂尊勝陀羅
尼妙法增壽益福之寶幢十六字篆書徑三寸徑

文有序每面正書九行惟序作行書俱徑六分朱竹垞曝書亭文集題跋云胡季良見宣和書譜載其行草書各五種考諸家記錄金石文字大和八年湖州德本寺碑陰係季良正書寶曆二年杭州大覺禪師碑元和二年平李錡紀功碑係季良八分書元和四年國子司業辛璿碑九年永興寺僧伽和尚碑均係季良篆額是季良於書法諸體精熟不獨行草見長矣惜幢第稱處士而不著里貫疑卽州人至繪畫人魚簡則畫譜未詳僅見於此按竹垞收集天甯寺經幢凡得八種今何氏夢華

親至寺中搜訪較竹垞所得又多四種

案第五第六兩面下截本無字兩浙金石志以爲泐者誤也陸菩薩藏沈蓮花藏李法藏劉如意藏楊淨藏似非人名不知何義俟考

覺華寺經幢

石佚

〔吳興志〕唐會昌初僧警建處士胡季良贊

天甯寺經幢

石存

佛頂尊勝陀羅尼經序

文不錄

佛頂尊勝陀羅尼經

文不錄

唐會昌三年歲在癸亥十月丙辰朔九日甲子樹建

幢功德主穎川陳榮 勾當甯化寺僧文觀寺主僧
令洪書上座僧守賢都維那僧乾立大都料汝南周
儒并刻字會昌三年十月九日樹至會昌五年六月
十七日准勅廢至大中元年十一月廿八日重建

專勾當軍事押衙陳敷衙前虞候吳允中隨身沈德
師 功德主陳榮建大都料陳德方重樹 李公亮

劉暹 奉爲亡考妣永充供養

中大夫使持節湖州諸軍事守湖州刺史上柱國彭陽
縣開國男食邑三百戶令狐絢

幢下截

般若波羅密多心經 文不錄

建幢功德主陳榮□□□千文 男公武 下缺 妻李

十一娘十千文 女八娘十千 女潤娘十千 陳

盈捨十千文 喻□十千 宋超五千 顧元方五

千 張釗五千 朱_五千 陳_三千 吳敬周三千 李慶

三千 □□□三千 張榮三千 鄭全褚三千

李詠二千 戴甯二千 錢莊二千

□□二千文 諸小連二千文 □有鄰□□□

徐□□□□ □□□□□

謝超二千 顧誠二千 陸遂一千 華則一千

吳敬完一千 趙榮厚一千 元口一千 景行武
二千 趙質一千 陳滿一千 沈亮一千 潘常
免一千 史元海一千 陳婆奴一千 承鑿一千
湯濟一千 沈于清五百文 陳公口 羅霄閑
杜君岳 韓畧 宋從約 陳子華 葛靖 葛
少連 王朝 劉素 楊叔汶 許元楚 莊仲口
王君政 沈宗禮 莫行宗 金烈 莫南弼
呂口

陳行存 石厲從 馮口 施成 戴勛 沈口
邱安 湯全立 宋朝 女弟子邱九娘二千文

施四娘二千文奉爲亡夫湯口 龐三娘一千 徐
廿娘一千 陳四娘 陳十二娘 陳七娘 王二
娘 應十二娘 王卅娘 陸四娘 戴妙惠 沈
十娘 管口娘一千文 吳金剛智一千文 鄭五
娘 王十二娘 沈宗 嚴清 盧齊 董憲 顧
安 陸十三娘 李長文

〔兩浙金石志〕右幢在天甯寺山門外東首高五尺
二寸八面周廣七尺二寸每面正書九行字徑八
分下截刻心經五面捨錢男女姓名三面俱正書
徑五分此幢樹于會昌三年十月至大中元年十

一月重立後列湖州刺史令狐綯名按唐書本傳云大中初宣宗問宰相白敏中曰令狐楚有子否對曰有子綯守湖州其爲人宰相器也卽以爲考功郎中知制誥入翰林爲學士進中書舍人俄同中書門下平章事郡志載大中二年四月除翰林學士蓋距立幢之時不及五月卽去任矣鄭芷畦湖錄所收天籙寺經幢八座此在其列并有跋云唐書會昌五年詔大除佛寺凡堂閣室宇關於佛祠者培滅無遺分遣御史發視之州縣祇畏至於碑幢銘鏤贊述之類亦多毀瘞不及三年盡皆重

樹矣

天窟寺經幢 石存

佛頂尊勝陀羅尼 經文不錄

千手千眼觀世音菩薩廣大圓滿無礙大悲心陀羅尼 文不錄

千手千眼觀世音陀羅尼根本大身呪 文不錄

大佛頂放光悉怛多鉢怛羅大心眞言 文不錄

無量壽如來十甘露眞言 文不錄

如意輪根本眞言 文不錄

清淨法身毗盧遮那佛化身五部道場主大輪金剛

三昧耶真言

文不錄

唐大中二年歲在戊辰八月戊子朔廿一日戊申建

功德主施安費亮徐瑗沈思悟 都勾當軍事押

衙陳敬衙前虞候吳允中隨身沈德師 曹巨川書

大中大夫使持節湖州諸軍事守湖州刺史上柱國蘇

特 都料周鎰 沈咸鑄

幢上層

寶樓閣陁羅尼 文不錄

大慈心中心真言 文不錄

文殊呪 文不錄

往生呪 文不錄

幢下截

助緣人名 □□□ 施令暉 許行儒 聞人口

范希別 李湍 殷□□ 蔣從直 魏珂 諸

葛儼 徐珍 高芊 邱懷玉 徐徹爲亡男 王

通 仰君儒 顧暹 沈允 諸葛慶 周永 杜

萃 張元政 呂□ 徐源 吳志堅 劉悅 施

漸 卜宗儒 周亮 陳□ 管□宗 陳諫 施

安 諸葛用 □□ 費□ 邱惟□ □□

□□ 徐師曾 □□□□ □□ 徐□爽 □□

□ 徐期 □ 康時 陸□ 徐鼎 陸士秀 邱

璣 徐評 夏仲宣 □ 端 徐清 趙元真 莊

晁 徐君□ 萊仲文 喻岫 徐翰 徐叔甯

朱莘 徐□ 夏惟滿 李勳 沈瑋 諸葛儼

沈忌 沈暄 孫文獻 趙榮 □□ □□

□□ □□ □□ □□ □□ □□ □□ 王□

□ 王進 沈友方 康包元 楊肱 張仲孚

李幼文 邱揆 羅叔言 許行傳 姚簡 錢陽

詮 諸葛猶 李瑄 羊士南 孫公素 陳峯

□ 金立 周伯和 戴昌 王士倫 康興德 王

倩 俞全直 徐師寶 錢惠 薛元習 沈楚詞
王新 朱逸朝 王元式 □ 玠 王君立 王
弘暉

張明 沈伯宜 沈戡 包瑛 □ □ □ 曹 □

章直 嚴 □ 章 儲平 馬誠 太史宣 徐直

李釗 □ 季通 姜成 吳成 唐仁節 邢正

吳芬 朱清河 吳通 全游 唐從簡 邱恭

倪興 丁有度 張興 韓誠 邱執 □ 謝恭

王頴 徐行牟 馮 □ 曹超 周清沔 □ □

邱徹 沈 □ 眞 □ □

□□ 沈□□ 沈□ 沈流 姚文政 宋益

施鈞 諸葛瑛 錢□ 康昌 沈雲端 潘□

朱瑛 沈元直 □□ 蔡憬 錢士元 董華

曹昇 張叔文 沈□ 曹儂 胡君直 □□

俞信 諸葛靖 沈强 戴旺 朱良牧 王玘

俞璩 王公信 陳榮 張□ 張文舉 □□

□□ □□ □□ □□

□□ □□ □□ □□ □□ □□ 吳公□

□□ □□ □□ 趙復 邱容 沈孫邕 劉强

曹甯 蔣文 徐仲榮 范榮 施晏 趙真

管元 鄭平 周少倫 施暄 王朝 馬進超

儲寶 康端 沈彤 □□ 沈忠

□□女弟子 徐蓮花心 李菩提 王寶藏 沈

智惠藏 許廿三娘 施妙因 劉如意藏 錢廿

五娘 吳蓮花 呂清淨心 丁廿一娘 姚覺知

唐花嚴 李十一娘 宋日藏 邵福德 周七

娘 張淨光 王十一娘 李廿娘 徐法藏 沈

廿七娘 徐七娘 周妙智 沈十二娘 周一娘

吳五娘 徐六娘 施四娘 徐淨藏 施十二

娘 張九娘 徐□□□ 閔十三娘 錢九娘

□□娘 謝九娘 徐十二娘

陳九娘 □□□娘 湯八娘 吳四娘 鄭一

娘 陳七娘 莫十二娘 朱福智 沈八娘 張

三娘 沈十三娘 朱二娘 徐廿六娘 丁□娘

吳功德藏 庾十二娘 管常信 朱三娘 鈕

卅二娘 沈卅娘 潘八娘 施六娘 仰十一娘

朱六娘 包七娘 劉十一娘 蔡十娘 秦卅

娘 倪卅一娘 陳二娘 胡妙惠 朱二娘 汪

智燈 王夫人 呂四娘

兩浙金石志右幢在歸安縣天籟寺山門外西首

高四尺八寸八面周廣六尺四寸每面正書八行
字徑八分上層佛像旁列呪文四方下截八面刻
助緣男女姓名此幢尊勝經後又刻六種真言爲
竹垞所遺後題湖州刺史蘇特名按令狐綯於是
年四月去任蘇蓋繼任者

幢署湖州刺史蘇特名嚴鐵橋跋云蘇特不見於
史愚案特爲工部侍郎蘇弁兄冕之子見元和姓
纂登第與族兄景允並時稱士林之美見因話錄
三大和九年上已詔百官會曲江故事京兆尹自
門步入揖御史賈餗自矜大不徹扇蓋騎而入御

史楊儉蘇特固爭餽日黃面兒敢爾儉日公爲御
史能嘿嘿耶大夫溫造以聞坐奪俸旣相會李宗
閔得罪指儉特爲黨斥去之見新唐書賈餽傳七
月癸亥貶殿中侍御史蘇特爲潘州司戶見舊唐
書文宗紀劉仁師爲高陵令渠成之明年涇陽三
原二邑中又擁其衝爲七堰以析水勢使下流不
厚仁師詣京兆索言之府命從事蘇特至水濱盡
撤不當擁者繇是邑人享其長利見劉賓客文集
二大中二年五月自陳州刺史移刺湖州見吳興
志湖州歲貢黃黿子連蒂木瓜李景先自和牧謫

爲司馬戲湖守蘇特日使君貴郡有三黃龜子五
蒂木瓜特頗銜之見南部新書著有唐代衣冠盛
事錄一卷見新唐書藝文志子循見舊五代史蘇
循傳

文宣王新廟碑 石佚

吳興志在州學唐大中間浙江西道觀察支使試
祕書省校書郎鄭言撰并書蓋刺史令狐綯作廟
本末記云西臨霅水前橫菽塘梁塹爲橋編木爲
柵今甘棠橋文宣王廟是也

復齋碑錄唐祕書郎鄭言撰并書大中年

寶刻
叢編

范處士妻蔡氏墓誌 石佚

諸道石刻錄 唐鄉貢進士李矩撰大中二年湖州

寶刻叢編

魯府君墓誌 石佚

諸道石刻錄 唐大中四年湖州

寶刻叢編

玲瓏山題名 未見

前湖州刺史杜牧大中五年八月八日來

癸辛雜識玲瓏山在卞山之陰嵌空奇峻有石梁

濶三尺許橫繞兩石間名定心石旁有杜牧之題

名

唐故進士龔軺墓誌 石佚文見杜樊川集

吳興掌故集 在湖州杜牧撰

大雲寺經幢 石存

佛頂尊勝陀羅尼救危濟難妙法寶之幢

尊勝陀羅尼 經文不錄

方山寶幢贊并序 處士胡季良纂并書 大都料

汝南周沂 郡曹刻字

義不 國非忠也福不普緣非教也會昌 年

立幢大居士陳君日常進 處居家不 三界 年

普 生靈 僧白僧岳內閔菩薩外現聲聞建

立寶幢福延成性以此教教善住 口遠口八口入
菩提之門今以淨願立存存之口誠口致口口之福
也良工周氏口口立石香花臺勢臨梵史祇口口尸
叨成也贊曰

文殊取經 大帝宏教 文德武功 惟忠惟孝

開張修相 闢口門要 龍華口期 口福口妙

時唐大中五年十一月八日重建樹此幢 功德主

僧南岳 口當行者穎川陳常建 大匠周鑑 南

陽許元從 書沛郡口口

會昌三年十二月乙卯 寺建大口僧口訓 都維

言四
三
聯僧常直 寺主僧茂言 上座僧清罕

右經幢在方山大雲寺山門高五尺三寸周廣五尺八面每面九行行五十九字正書額題佛頂尊勝陀羅尼救危濟難妙法寶之幢篆書後有序題胡季良纂并隸書季良篆隸惟此僅存兩浙金石志未收

顧渚山杜牧詩刻 石存

□于□□□□□

爲大中五年刻

史樊川杜牧奉

頁訖事 季春

□休來□□□

七言崑□□□

萬木中□□特

地一枝紅擬攀

叢棘□寥寂□

□□香感細風

兩浙金石志右題名十行正書行六字在長興縣

顧渚山按牧又有玲瓏山題大中五年八月八日

今未見

案拓本高一尺三寸廣二尺三寸字徑二寸兩浙金石志僅得二十六字今細審第一行第二字是于字第三行春上是季字第五行審出七言崑三字第六行審出萬木中特四字第七行審出地紅擬三字第八行審出棘寥寂三字第九行審出細風二字共多得一十七字蓋前爲題而後爲七絕一首押中紅風三韻阮所見拓本模糊遂莫辨爲詩耳談鑰吳興志牧于大中四年十一月授湖州刺史逾年以考功郎中知制誥遺愛塞路公退之餘登臨賦詠碧澗消暑俱有留題蓋亦不知顧渚

之有詩刻石也樊川集亦未收

顧渚山楊漢公等題名

石存

侍從行

進士楊知儉

進士楊知範

進士楊知本

開成四年□月十五日同遊

鄉貢進士賈璘

鄉貢進士鄭璋

衙推康從禮

軍事衙推馬祝州

前試太子通事舍人崔待章

湖州刺史楊漢公

諸道石刻錄顧渚山有楊漢公杜牧題名

寶刻叢編

兩浙金石志右題名十一行正書徑寸餘左行在長興縣顧渚山之明月峽境僻路險人跡罕至嘉慶辛酉春暮錢塘何君嘉定瞿君訪碑至此拓得唐宋石刻五種皆邑志未載此其一也鄭元慶石柱記箋釋云顧渚山下有唐宋貢焙院院側有清風樓絕壁峭立于大澗中流亂石飛走曰明月峽

茶生其間尤爲絕品陸羽茶經以蒙山頂第一顧
渚次之其地與宜興接壤代宗時以宜興歲造數
多命長興均貢貞元五年歲限清明到京謂之急
程是時湖常二州爭先赴期以趨一時之澤袁高
有茶山詩備述當日擾民之害開成三年刺史楊
漢公表奏乞寬限詔從之每造茶時湖常兩郡刺
史親至其處大率以立春後四十五日入山暨穀
雨始還是時漢公以貢焙至此遂與僚友諸男題
巖壁此卽奏乞寬限之次年石刻月分已磨滅以
意推之大約四月以前也

按拓本高一尺五寸廣二尺字徑一寸五分兩浙金石志著于錄惟鄭璘之璘賈璋之璋金石志皆缺今洗碑精拓審爲鄭璘賈璋

天甯寺經幢 石存

大佛頂如來密因修證了義諸菩薩萬行楞嚴經卷七 經文不錄

唐大中十一年歲在丁丑四月廿七日建立功德主王用男讜男謹男威男訢奉爲亡妣沈氏夫人永充供養 河間凌渭書 都料匠何亮 陳德方并鐫幢下截

大佛頂及□□□□□□□□□□
并序 處士王函撰

瑯琊王讜字達夫探至聖之元言得秘密之妙理以
大佛頂及尊勝爲眾福之王懇立二幢祈報所怙攀
踞不及創鉅痛深衰麻在躬茹荼吞蓼若不憑其教
跡何以洩此哀懷徵其志誠起自純孝□□候聽戒
遣式遵□□命令將在日衣物造此功德始于目想
形於心匠有工應召巧與意合將期經久須擇勝處
繇若□種必求厚地□得其所爲益多乃謀於老宿
得在精舍同謁□□師□□□□□□□□築□□
□□□□□□□□□□□□□□□□□□□□得仁心叶

贊以大中十一年歲在丁丑四月二十七日立於開
元尊像殿前繫其地也每幢高□十五尺各有二十
五重重重狀名窮侈□麗唐言梵語備載二經此之
不書削其繁也昔者曾子嘗謂人曰諭父母於道力
始得爲孝□□者眞食者尔□□爲□□□
諭父母於道孝□□如詔之弟□可謂□□父母
於道矣必先有□□□□□□□□□□人□□□
□□□□彰名□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
圖也且□一石之樹無補於教徒

以嵌空峻峭積翠凝青尙蒙移植列在廣庭□能與
人娛目不能使其□□□□□□莊嚴法界□□□
□□□□□□之□□□□對峙□□□氣稜層恠
巖犇妓□鬼□乃□陽高映圓魄斜臨同一解脫不
二光陰雨灑露滴煙籠霧翳霽□□灘散漫霏微聖
澤流布□□在□忽尔銷歇罪垢□滅□然□清福
□□□□颺飄瞥□塵回發毛峯□彼卽是加被何
必張喉然後爲□偉哉有以見陀羅尼之力□思誠
也二幢旣就工□□功壯我釋門光□□□□不□
□□□何□□□□□□□□□□□□□□□□

之者誰我知其□曰讜曰諛泉威及訢咸遵父言同
樹廣因巍巍二幢不泐不泯資汝□世千崇萬□□
此福源曷有窮極

此二幢本立於開元寺□□於龍興蓋天意也豈人
事乎都維那尼元約上座尼□□寺主尼雲□

以上
銘八

面刻幢
座下

兩浙金石志右幢在歸安縣天□寺大殿西首高

四尺六寸八面周廣五尺六寸每面正書十三行
徑五分幢座下另刻銘八面每面行書十行徑七
分此幢名大佛頂首楞嚴經與後尊勝經幢同爲
河間凌渭書朱竹垞未曾細核槩以尊勝經目之
而座下王函銘序則自來拓者皆未見也此銘書
法酷似李北海惜泐去大半詳繹文詞知二幢先
立於開元寺後移龍興龍興卽今天甯寺建自陳
永定三年爲武宣章皇后故宅吳越時更名天甯
至開元寺則郡縣志未詳僅見於此

案開元寺卽今玉皇殿宋爲元妙觀見談鑰吳興

志王函里貫無攷攀踰不及之號茹茶吞蓼之茹
吞蓼三字若不憑其教跡之若不跡三字何以洩
此哀懷之洩字懷字得在精舍之得願力弘之弘
得仁心之得曾子嘗謂人曰之子諭父母之諭及
下于道力始得爲孝七字真下食者尔三字又諭
字於道孝三字及下如字第字於道矣上父母二
字中間彰名二字廣庭下能與二字惟下屢字乃
字末行尼下雲字兩浙金石志皆缺列在廣庭之
廣兩浙金石志誤釋爲殿今洗碑精拓多得三十
餘字正誤一字

天甯寺經幢 石存

佛頂尊勝陀羅尼經 經序經文不錄

唐大中十一年歲在丁丑四月廿七日建立功德主
王用男謙男謹男威男訢奉爲王妣沈氏夫人永充
供養 河間凌渭書 都料匠許從吳倫 穎川陳
德方并鐫

〔兩浙金石志〕右幢在天甯寺大殿東首高四尺三
寸八面周廣五尺六寸每面正書九行徑八分

男
樹藩校字